

妄語戒第四

丙四、妄語戒

丁一、誠勸（制意）

丁二、犯相（具緣成犯）

戊一、大妄語¹

己一、釋義

己二、料簡

戊二、小妄語²

丁三、結示（方便趣果）

丁四、不犯（開緣）

¹大妄語戒犯相

◎《五戒相經箋要》：此大妄語以五緣成不可悔：一所向人。二是人想。三有欺誑心。四說重具，即羅漢乃至羅刹來到我所等。五前人領解。

◎《事鈔》：大妄語戒具九緣：一對境是人。二人想。三境虛。四自知境虛。五有誑他心。六說過人法。七自言已證。八言章了。九前人解。

²小妄語戒犯相

◎《事鈔》：小妄語戒，犯無定境，起必依心，但使違內想心，不論外緣虛實，一切皆犯。六緣：一是人（不簡道俗）、二作人想、三違想說、四知違想說、五言了、六聞解。

丙四、妄語戒

丁一、誠勸（制意）

佛告諸比丘，吾以種種訶妄語，讚歎不妄語者，乃至戲笑尚不應妄語，何況故妄語。

丁二、犯相（具緣成犯）

戊一、大妄語

己一、釋義

是中犯者，若優婆塞不知不見過人聖法，自言我是羅漢、向羅漢者，犯不可悔。若言我是阿那含、斯陀含，若須陀洹，乃至向須陀洹；若得初禪、第二禪、第三禪、第四禪；若得慈悲喜捨無量心，若得無色定虛空定、識處定、無所有處定、非想非非想處定，若得不淨觀、阿那般那念；諸天來到我所，諸龍、夜叉、薜荔、毗舍闍、鳩槃荼、羅刹來到我所，彼問我，我答彼；我問彼，彼答我，皆犯不可悔。

己二、料簡

若本欲言羅漢誤言阿那含者，犯中可悔；餘亦如是犯。若優婆塞，人問言：「汝得道耶？」若默然、若以相示者，皆犯中可悔。乃至言旋風土鬼來至我所者，犯中可悔。

戊二、小妄語

若優婆塞，實聞而言不聞，實見而言不見，疑有而言無，無而言有，如是等妄語皆犯可悔。

丁三、結示（方便趣果）

若發心欲妄語，未言者，犯下可悔；言而不盡意者，犯中可悔；若向人自言得道者，便犯不可悔。

丁四、不犯（開緣）

若狂、若心亂、不覺語者，無犯。

☆補充惡口、兩舌、綺語犯相

◎《事鈔》：罵戒（惡口），六緣：一僧俗皆犯（說四衆過犯重）、二自出毀訾（傳他語，爲他罵皆犯）、三知是毀訾、四作折辱彼意、五言了、六聞知。

◎《事鈔》：兩舌戒，具六緣：一僧俗皆犯（說四衆過犯重）、二說鄙惡事、三傳於彼此、四分離意、五言了、六聞知。《律》云，兩舌者，彼此鬥亂，令他破也。《僧祇》欲令他離向已，若彼離不離皆犯。

◎《成論》：語雖是實語，以非時故，即名綺語。或雖是時，以隨衰惱，無利益故；雖復利益，以言無本，義理不次，皆名綺語。